



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-019-5/24**
Datum: **05.03.2024.godine**

«Agencija za vodno područje rijeke Save» Sarajevo rješavajući po zahtjevu pravnog lica „MENPROM“ d.o.o. Gornja Tuzla za donošenje rješenja o vodnoj dozvoli za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, izgrađene u ulici Ahmeta Kobića bb, općina Gornja Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „MENPROM“ d.o.o. Gornja Tuzla, daje se vodna dozvola za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, izgrađene u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7, 3356/7, 2774/9, 2918/6, 3356/8 i 2774/1, K.O Gornja Tuzla, općina Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da pravno lice „MENPROM“ d.o.o. Gornja Tuzla, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu prerade mesa i proizvodnje konzerviranih proizvoda od mesa, pranjem opreme, uređaja i alata, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se vrši redovno čišćenje uređaja za biološki tretman (SBR uređaj) od strane ovlaštene firme i čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog proizvodnog kompleksa može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja SBR uređaja, neophodno je voditi službenu evidenciju.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.

- 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.6. Ukoliko Vlada propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.8. Da se kod pranja koriste sredstva koja su prikladna okolinskim zahtjevima.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnoj lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.13. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta „MENPROM“ d.o.o. Gornja Tuzla, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „MENPROM“ d.o.o. Gornja Tuzla, zahtjevom broj: 01-38-1/24 od 10.01.2024 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, izgrađene u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7, 3356/7, 2774/9, 2918/6, 3356/8, i 2774/1, K.O Gornja Tuzla, općina Tuzla.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-23-000765 od 16.05.2023. godine, izdatog od strane Općinskog suda u Tuzli-ovjerena kopija,
- Ovjerena kopija uvjerenja o poreskoj registraciji, broj: 04/1-UPP/1-9734/07 od 01.08.2007. godine, izdato od strane Uprave za indirektno oporezivanje Banja Luka,
- Rješenje o vodnoj saglasnosti broj: UP-I/25-3-40-648-6/18 od 11.04.2019. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: UP-I/25-3-40-258-2/13 od 11.12.2015. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje za izgradnju poslovnog objekta broj: 06-03/20-360-30/98 od 07.07.1998.godine, izdato od strane Službe za prostorno uređenje i zaštitu okoline Tuzla-kopija,
- Rješenje za izgradnju poslovnog objekta namjene: pogon za proizvodnju konzerviranih mesnih proizvoda broj: 07/12-23-10840/11 od 23.12.2011.godine, izdato od strane Službe za prostorno uređenje i zaštitu okoline Tuzla-kopija,
- Rješenje za izgradnju fabrike za preradu poslovnog objekta namjene: pogon za rasijecanje i pakovanje svježeg mesa broj: 06/2-23-5565/15 od 13.10.2015.godine, izdato od strane Službe za prostorno uređenje i zaštitu okoline Tuzla-kopija,
- Rješenje o okolinskoj dozvoli izdato od strane Ministarstva prostornog uređenja i zaštite okolice, broj: 12/01-1-23-28749/18 od 21.06.2019. godine –kopija,
- Izvještaj o monitoringu kvaliteta i kvantiteta otpadnih voda „MENPROM“ d.o.o. Gornja Tuzla, broj: 1552/23, novembar 2023 godine, broj: 1142/23, august 2023 godine, broj: 840/23, maj 2023 godine, broj: 172/23, februar 2023 godine urađen od strane „Inspekt-RGH“ d.o.o. Sarajevo,
- Ugovor o sakupljanju, skladištenju i zbrinjavanju opasnog otpada broj: 322-01/21 od 26.03.2021 godine, zaključen sa „KEMEKO-BH“ d.o.o. Lukavac,
- Dokaz o čišćenju –prateći transportni list broj 1323-04/22 od 22.12.2022 godine, broj: 925-04/23 od 21.08.2023 godine, broj: 219-04/24 od 20.02.2024 godine izdati od strane „KEMEKO-BH“ d.o.o. Lukavac,
- Izvještaj o rezultatima ispitivanja tereta zagađenja otpadnih voda za aglomeracije „MENPROM“ d.o.o. Tuzla izražen prko EBS-a, urađen od strane „Inspekt-RGH“ d.o.o. Sarajevo, mart 2023 godine,

B. Tehnička dokumentacija

- Glavni projekat prikupljanja za prikupljanje i tretman otpadnih voda aglomeracije „MENPROM“ d.o.o. Tuzla, urađen od strane JP za vodoprivredu "SPREČA" d.d. Tuzla, br.05/1-1082/12 decembar 2012. Godine (uvid prilikom uvida).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju,

obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-019-2/24 od 29.02.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta-pogona za preradu mesa i proizvodnju konzerviranih proizvoda od mesa, pravnog lica „MENPROM“ d.o.o. Tuzla, nalazi se u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7, 3356/7, 2774/9, 2918/6, 3356/8, i 2774/1, K.O Gornja Tuzla, općina Tuzla.

Na lokaciji kompleksa „MENPROM“ d.o.o. Tuzla nalaze se cjeline i to: Proizvodni pogon prerade mesa (pogon 1), proizvodni pogon konzerviranih mesnih prerađevina (pogon 2), pogon za rasijecanje i pakovanje mesa, kotlovnica na plin, upravna zgrada, spremnik plina, separator-taložnik, postrojenje za prečišćavanje tehnoloških otpadnih voda, tipski separator kapaciteta $Q=20$ l/s, interne saobraćajne površine, parking i drugi prateći objekti vezani za predmetnu djelatnost.

Predmetni kompleks se vodom koja ne zahtijeva kvalitet vode za piće, snabdijeva iz vlastitog bunara na koji investitor posjeduje Ugovor o koncesiji zaključen sa Ministarstvom poljoprivrede, šumarstva i vodoprivrede Tuzlanskog kantona.

Predmetni kompleks se vodom za piće snabdijeva priključkom na gradski vodovodni sistem JKP „Vodovod i kanalizacija“ Tuzla.

Tehnološke otpadne vode u industriji za preradu mesa i proizvodnju konzerviranih prerađevina, nastaju u različitim proizvodnim procesima i mogu biti različitog tipa: prilikom pripreme i prerade mesa, kod pranja podova pogona i opreme koja se koristi kod proizvodnje mesnih prerađevina, u procesu proizvodnje vodene pare.

U otpadnoj vodi iz pogona za preradu mesa nalaze se rastvorene organske materije, masti, ulja, suspendovane materije, nitrati, nitriti, amonijak i fosfati, soli te rezidue sredstava za čišćenje i dezinfekciju kao što su alkalne i kisele supstance.

Za prihvatanje otpadnih voda iz procesa prerade mesa „MENPROM“ d.o.o. Tuzla, izgrađen je uređaj za biološki tretman tehnoloških otpadnih voda koje nastaju u procesu za preradu mesa i proizvodnju konzerviranih proizvoda od mesa i sanitarnih otpadnih voda.

Tehnološke i sanitarne vode se, prije doziranja na uređaj za biološki tretman (SBR uređaj), zajedno odvođe na bazen retenziju/egalizaciju. Bazen za egalizaciju ujedno vrši i funkciju mastolova. Egalizovane vode se zatim preko muljnih pumpi kontrolisano doziraju na zajednički SBR uređaj za biološki tretman. Uređaj karakteriše prečišćavanje otpadne vode na principu rada bakterija u 4 faze (dovod prečišćene vode, aeracija, taloženje, odvod prečišćene vode). Prečišćena voda zajedno sa prečišćenim oborinskim vodama sa platoa i parkinga, preko okna za monitoring ispušta se u prirodni recipijent- rijeka Jala.

Nastali aktivni mulj u uređaju za biološki tretman (SBR uređaj), prepumpava se u primarni taložnik i u slučaju potrebe neutralizira se zajedno s muljem iz primarnog taložnika. Za punjenje se koriste muljne pumpe SBR reaktora.

Za oborinske vode sa platoa, parkinga i saobraćajnica vode ugrađen je separator- taložnik prema normi BAS EN 858-1 za izdvajanje ulja/masti, kapaciteta $Q=20$ l/s. Prečišćena otpadna voda iz separatora se cjevovodom odvodi i spaja sa prečišćenim tehnološkim i sanitarnim vodama, te zajedno, istim cjevovodom, preko okna za monitoring ispušta se u prirodni recipijent- rijeku Jala.

Izveštaj rezultata ispitivanja kvaliteta tehnoloških otpadnih voda broj: 1552/23, novembar 2023 godine, broj: 1142/23, august 2023 godine, broj: 840/23, maj 2023 godine, broj: 172/23, februar 2023 godine urađen od strane „Inspekt-RGH“ d.o.o. Sarajevo, ukazuje da su granične vrijednosti u prečišćenoj vodi u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije.

Monitoring se vrši na ispustu E1 iza uređaja za tretman tehnoloških otpadnih voda.

Čišćenje uređaja za tretman otpadnih voda (tehnoloških otpadnih voda i sanitarnih otpadnih voda) se vrši pet puta godišnje od strane „KEMEKO-BH“ d.o.o. Lukavac.

Na osnovu tereta zagađenja otpadnih voda „MENPROM“ d.o.o. Tuzla iz pogona za preradu mesa i proizvodnju konzerviranih proizvoda od mesa, izgrađenih u Tuzli, urađenog od strane „Inspekt-RGH“ d.o.o. Sarajevo, mart 2023. godine utvrđen je ukupni teret zagađenja ES-a je 641,7.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „MENPROM“ d.o.o. Tuzla, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „MENPROM“ d.o.o. Gornja Tuzla, Ahmeta Kobića bb, Gornja Tuzla
- Ⓞ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo